

# I Scioldi dla Cësa de Paussa: Walter Kasslatter

Do la nfirmazions dates tla ultima edizion dla USC dala cunseliera de Chemun Martina Goller, tl articulo che publicon n curt mo n iede tlo sun chësta plata, à Walter Kasslatter mandà ite si pont de ududa, che publicon tlo dessot



La Cësa de Paussa a Urtijëi.

**Cësa de Paussa** - „A mi ne me sàl defin nia drët, nia coret, sce politici che ie bele da trüep an incà te si ncëria se noza sën dan la veles dl lëur fat a puntin da persones, mè per arjonjer vantajes politics o nce per fé ora stlec d'autri,” scrij Walter Kasslatter, auzan ora che „canche Martina Goller à rujenà cun mè, me mpensovi de ti dé na nfirmazion, y l ne me mueia enghenò de ti avèi dat nfirmazions. Ma che chëstes vën tēutes ca per fé n cheder de propaganda politica, ne n'ie nia drët, y Martina Goller muessa supurté chësc moralmenter, sce la à na moral.”

## „Duc i partic deberieda à tēut la dezijion”

Kasslatter dij nian che „duc i partic politics, dantaldut l partit dla persona che à dat la ntervista, duc zënza ezezion, fova for prejenc canche l ie uni tēut dezijions, dajan ju si usc. Nce pra dut chël che Goller critichea sën, canche ëila nstëssa ova dat ju la stima per chësta dezijions. Perchël ne lasci nianca no valèi che la ne fova nia nfirmada, al cuntner, di de sci a zeche che n ne cunesc nia, ne n'ie propi nia zeche che fej unëur,” nscila la paroles sciorfes de Kasslatter.

## „I ambolc ne à nia tēut la dezijions da sēui”

Kasslatter fej n valguna reflescions n con' dla Lia dla Cësa de Paussa: „La situazion iuridica dla Lia fova cumplcheda, ie ne fove nia a una cun la dezijion di ambolc, ma l'è for respetada, de ti sēurandè l manejamènt dla Cësa de Paussa ala Cumenanza Cumprensoriela Salten Scilier. Nce sce n valguni ne uel nial udèi ite, vivons per fortuna te na democrazia, ulache l possa vester plu minonghes.

I ambolc ne à nia tēut la dezijions da sēui, ma cun l sustèni plèn dla opozitions, ulache deguni ne me à cherdà su nce mè un n iede, per se damandé eventualmenter nfirmazions. L problem dla Lia, si situazion iuridica y la sēurandata dla

direzion al Cumprensore Salten Scilier, va bele inant dai ani. Le ne é mei, ora che per una na ezezion sēula, udù zachei dla opozition o di politici (sambèn cun ezezion di ambolc), che ëssa fat una na pruposta o che ëssa dit nce mè una na parola de contra, che n ëssa pudù jì sun n'autra streda y cri n'autra soluzion.”

## „L lëur dla man publica nia tan bon coche chël dl privat”

Kasslatter rejona inant dla efizienza dla man publica, aldò de si pont de ududa: „Che ie vèjje l lëur dla man publica nia propi coche da ejèmpl, chël ie n auter capitul. Udon di per di che l'amministrazion publica n general y la politica tl particular, ne va nia a una cun la realtà. Ie é da n fé di per di cun jent desperda, che vën propi drucheda ju dal gran pèis dla ncëria che ne n'ie per nia, dala chēutes y dala strafonghes che la muessa paiè per i ufizies publics o per la politica, scioldi che vën pona smachei da viere ora. Duc fej referimènt ala leges, che i ublieia a fé chësc y chël. For i autri. Ma la leges vën pu fates da politici, nce sce chisc sta a Bruxelles, Roma, Bulsan o te d'autri Chmun, i ie for politici, y la politica ie l organ legislatif, che fej la leges, nscila l ons almanco mparà te scola. A mi ne me sà l lëur dl man publica nia tan bon, ajache uniun sà che dut chël che vën fat dala man publica ne n'ie nia de trüep plu cër, ma che l ie nce organisa te na maniera manco efizienta che no sce l unissa fat da na persona privata. N ti cèle per

ejèmpl al sistem dla sanità.”

## „Nia na nfirmazion politica”

Kasslatter: „Uniun cunesc mi maniera de udèi la cosses, y ie tl é dit danora, canche é rujenà cun Martina Goller, te na maniera tlera, che dut chël che ie esse dit ne n'ie nia politich, nia per chësc o per chël. I numeri, la somes che ie tl articulo unit ora tla USC dan n'ena ie plu o manco drëc nscila. Ma l ie di stlet gusto y da popesc tl medemo mumènt, che n critichea chëstes publicamènter mè per finaliteies politiches. Me é esse bèn aspità zeche de plu costrutif, ma nscila ne n'ie nia unida a s'l dé.”

## „L ne n'ie uni rubà nia!”

Walter Kasslatter dij n con' dla tarifes che „l ie bele dai ani descusions per la tarifes; ie me damande ulache fova Martina Goller, canche l fova chësta descusions? Monce la descusion di scioldi dl Lia Cësa de Paussa ie bele vedda.

Sce Goller o duc i politici y la persones che fej sën descusions ciaudes y dà ite nterugazions tl Cunsèi provinzial, ëssa abù n nteres nce mè mēnder, pona savèssi avisa tan bèn che la Lia à laurà ani alalongia y coche la rerserva de scioldi ie unida a s'l dé. L ne n'ie uni rubà nia, nia ne n'ie uni tēut ca per d'autra finaliteies, y chësc tleca, da coche l semea, per fé a na maniera che na dita ie bona de uni ora dal defizit!”

## „Descusion dan la veles”

Kasslatter: „Ie me damandësse bèn, perche chësta descusion sauta ora dan la veles. Per duta la reflescions y cuestasions muessa Martina Goller nstëssa giatè na risposta, coche persona y coche politica de Chemun. La micia ie che la se dije a sé nstëssa: „Eh, tlo ne é ie nia sapù da fé drët, ajache me l'è durmida via de fé zeche de bon,” mpede critiche da dedò pra d'autri.”

## I servijes oradecà

Kasslatter: „Sce Goller dij ala fin dl articulo dla USC che trüep servijes va oradecà, pona iel drët che ie son

contra na zentralizazion di servijes. Ma chësta minonga, che ie é te na maniera leghitima, ne pössen nia mèter a una te na maniera tan a bon marcìa cun la Lia Cësa de Paussa.

Ie son per ejèmpl nce de contra che, mè per l manejamènt stlet dla man publica, muessa l spedel de Sterzing uni stlut, o che l resta ilò mè plu na scatola ueta. Son de contra che per i custimènc che vën ora dala burocrazia che i politics à fat uni su, muessen al didacuei aspitè mēsc alalongia sun na vijita

spzialistica dal dutor. Y nscila trüep d'autri caji. Tlo pudëssa na politica, nce d'opozition, propi fé zeche de contra”

## „Mè per se mèter su la plumes”

Ala fin mo l'ultima cunsidrazions sciorfes de Walter Kasslatter: „L ne n'ie nia da vester stloc cun chësta maniera de fé nia profeciunela, de ti sburdilè ti ciazzei de d'autri y critiche zeche che n à nstëssa dat pro te Cunsèi de Chemun. Che Goller à dit che la ne à nia l pudèi ne lasci ie nia valèi, ajache chi pa, sce nia i politici, à pa l pudèi per mudé zeche?”

Ma la majera pert se lascia pu me litè ite per se mèter pona su la plumes, y nia dinrer andes ntem i ani tla politica mè de puec ntervenc ti organics politics amministratiifs, per ne rujenè nia de lëures politics”

Nscila dij Walter Kasslatter.

David Lardischneider

## Scioldi te Cësa de Paussa: Martina Goller

Tla ultima edizion dla USC iel unit ora n articulo ulache la cunseliera de Chemun de Urtijëi Martina Goller à cuntà che sun l cont dla Lia dla Cësa de Paussa a Urtijëi iel na gran soma de scioldi, ntëur a na milion y doicèntmille euro

**Cësa de Paussa** - „Coche la fova nchinamò fova la Cësa de Paussa manejea tres na Lia, che fajova referimènt ai Chemuns de Gherdëina, ma nce de Ciastel. Da n valgun mēsc incà ie la Cësa de Paussa laite tla struttura y tl manejamènt dla Cumenanza Raionela Salten Scilier.” Nscila ova cuntà Martina Goller, che à njuntà che „nchin dan cin' ani fova la bilanz for ntëur al nul, can dessot, d'atrai nce dessëura, ma mè de puech. Da canche l'umerzialista Walter Kasslatter à tēut tla man la gestion cuntabla-amministrativa dla Lia Cësa de Paussa, iel da ann a ann for sautà ora n plus. A scumencé dal 2011, cun n plus de 170.000 euro za. I ann d'ò monce de 293.000 euro tl plus.” Goller rata che chësc ie unit a s'l dé „ajache Kasslatter à scumencià a maneje dut coche na cossa privata, mantenan mpo l standard da dant, y cialan dut ntëur de na cuntabla a puntin. De gra ala desponibiltà finanziaria iel nscila stat mesun a jì ju de 5 euro al di, che la jent de temp muessa paiè demanco per sté te Cësa de Paussa.”

Goller ova inant cuntà che „sën, de merz dl 2015, iel sun l cont 1.200.000 euro za.” euro

plu, euro manco, y che sën se damanda i Chemuns de Gherdëina y de Ciastel de reviers scioldi dala Lia Cësa de Paussa. Cialdi iel pa dant stat tan giut da paiè tan trüep, zënza che l ne fossa restà nia te cassa? Essen pa pudù smendré la tarifes dla Cësa de Paussa bele dant? Segur iel che l servise costa sën deplù per l singul, y che n'essa poverter tuca de s'la pensè mo n iede dant ti sēurandè la struttura ala man publica. Cun dut, che nce ie y mi lista on dat pro te Cunsèi de Chemun l passaje al Cumenanza Raionela Salten Scilier, ma ne àn ntlèuta nia la nfirmazions che on giupù sën dal cumerzialista Kasslatter.” Nscila dij Martina Goller, dla Cësa de Paussa y di scioldi sun l cont, njuntan nce che „ala fin dla finedes à rejion Kasslatter, che ultimamènter se à la politica lascia jì ora dala mans plu servijes sotiet ma nce d'autri, canche, da coche n vèjje, pudova na gestion privatistica, sce nia privata defin, garanti de mèiur resultat, almanco aldò dila bilanz ala fin de uni ann.”

Nscila n curt l articulo unit ora l'ena passada. Tlo d'longia pona la filipica de Walter Kasslatter.

David Lardischneider



Walter Kasslatter.